



**Aningaasaqarnermut Akileraartarnermullu
Naalakkersuisoq
/MAANI**

Ulloq: 07-11-2023

J.nr.: 01.25.01/23EM-LABU-00112

Aalajangiiffigisassatut siunnersuut UKA 2023/112 pillugu apeqqutit piaartumik akisassat.

UKA 2023/23 tassaavoq: **0,25 literi tikillugu imaqarsinnaasumut imeruusaatit puuinut akitsuut (Akitsuutit normuat 034) aammalu 0,25 literi sinnerlugu imaqarsinnaasumut imeruusaatit puuinut akitsuut (Akitsuutit normuat 035), §1 imm.1, nr.6-mi litra a aamma litra b allassimasut peerneqarsinnaaqullugit Inatsisartut Inatsisaannut nr.17 22. November 2011-meersumut allannguutissatut siunnersuummik saqqummiussinissamut Naalakkersuisut peqquneqar-nissaat pillugu Inatsisartunut aalajangiiffigisassatut siunnersuut.**

Kisitsisitigut paasissutissat, utertitsisarnermik aaqqissuussinerup nutaap aningaasaqarneranik kiisalu utertitsisarnermik aaqqissuussinerup nutaap akitsuutitigut sunniutissaatut naatsorsuutigisanik kingullernik takutitsisut, siunnersuummik siuliani allassimasumik suliarinninnerminut atatillugu Aningaasaqarnermut Akileraartarnermullu Ataatsimiititaliap kissaatigai.

Apeqqutitut siuliani allassimasunut allakkatigut (kalaallisut danskisullu) akissutip ullumi tiguneqarnissaa ataatsimiititaliamit qinnutigineqarpoq. Akissut ataatsimiititaliap allattaannut (jovag@inatsisartut.gl) aamma saam@inatsisartut.gl Inatsisartunut (inatsisartut@inatsisartut.gl) qarasaasiakkut nassiuteqquneqarpoq.

Aningaasaqarnermut Akileraartarnermullu Ataatsimiititaliaq sinnerlugu
Inussiarnersumik inuulluaqqusillunga

Aasi Chemnitz Narup

Ataatsimiititaliap siulittaasua